

CHÂTILLON

Dé ioù qu'i vén lo non Vatican ?

Vaticàn, dedeun lo ten, y éve lo non d'èin cretsón dé Romma qu'i y éve, dou coté dé l'éponda dréte di *Tevere*, en fatcha dou Tsan dé Mars é a dréte dou *Gianicolo*.

Y éve éin post moosàn é umido, ioù qu'i y ave dé tsan vaaco, ioù qué on lardzive.

Lé, ou fon dou cretsón, *Agrippina* y a poué fé fare éin paarc. Poué l'ampéreur Nérón y a fé fare éin piquieu sirque privó. Lé i son itó tcho lé premé martire crétièn (pérmé iour, y ave co l'apotre Piére, qué y é itó éntéro fran lé).

Si cretsón y é poué vigni éin sémetéro payèn é crétièn en mémo ten, tanque can l'ampéreur Costantén, dou 326 ou 333 apré Jézù Cri, y a poué fé appianà lo sondzón é fé fare la premére éguiéze dédiouye a sen Piére.

Y é maque dé l'an 1870 qué lo Vatican y é la rézidanse dou sen Pare ; ou Moayèn Adzo y itivve ou Palas dou Latrán, poué dedeun d'otre palas dé Romma, comèn lo *Quirinal*, ioù qué erra y itte lo Prézidàn dé la Répeblécca italiéna.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.focus.it, juin 2002

Texte publié en 2009 dans « L'écho de nos montagnes », Paroisses de Châtillon et de Pontey

Collaborateur de Châtillon pour la traduction : **Edda Carlon**

La transcription a été soignée par le Guichet Linguistique

Mise à jour de la graphie : octobre 2013